



Upplýsingar um keiluskurð

Keiluskurður er gerður til að fjarlægja frumubreytingar sem komið hafa fram í leghálsi. Aðgerðin er oftast gerð í deyfingu en stöku sinnum í svæfingu og tekur stutta stund. Þessi aðgerð er gerð neðan frá og er neðsti hluti leghálsins skorinn í burtu með sérstökum brennsluhníf. Venjulega eru engir saumar notaðir. Sá hluti af leghálsinum sem er fjarlægður, er sendur í vefjarannsókn og tekur u.þ.b. viku að fá niðurstöðu.

Eftir aðgerðina

Áður en þú ferð heim talar kvensjúkdómalæknirinn við þig og útskýrir gang aðgerðarinnar. Þú getur búist við einhverjum verkjum í nokkra daga og við þeim getur þú tekið verkjalyf t.d. panodil eða parkodin. Algengt er að smáblæðing og brúnleit útferð komi frá leggöngum í allt að 2-3 vikur. Tíðablæðingar eiga að koma á réttum tíma.

Þú mátt drekka og borða strax eftir aðgerðina ef þú hefur lyst en ekki er óeðliegt að þú finnr fyrir einhverri ógleði.

Æskilegt er að einhver sé heima hjá þér fyrsta daginn og þú þarft að taka það rólega í 2-3 daga.

Ekki er ráðlegt að stunda leikfimi eða líkamsrækt fyrstu 2-3 vikurnar. Til að minnka sýkingarhættu má eingöngu nota bindi en ekki tíðartappa eða álfabíkar. Þú getur farið í sturtu þegar þú vilt en ráðlagt er að sleppa sundi og heitum pottum og bíða með samfarir í a.m.k. 3 vikur. Það fer eftir því hvert starf þitt er hversu lengi þú ert frá vinnu eftir þessa aðgerð.

Þegar niðurstöður úr vefjarannsókn liggja fyrir mun læknirinn þinn hafa samband og skýra þér frá niðurstöðum og heyra hvernig gengur.

Alltaf á að fara í krabbameinsskoðun 6 mánuðum eftir aðgerð og þú munt fá bréf frá krabbameinsleitarstöðinni til að minna þig á.

Daginn eftir aðgerðina eða næsta virka dag verður haft samband við þig frá vöknun til að athuga hvernig gengur.

Ef einhverjar spurningar vakna í sambandi við aðgerðina hafðu þá samband við skurðlækninn þinn hjá riturum kvennadeildar alla virka daga **kl. 10:00-12:00 í síma 463 0133**.

Hafðu samband við þinn lækni eða slysadeild ef þú verður vör við þessi einkenni:

Mikil blæðing

Vond lykt af úthreinsun

Hiti

Miklir eða vaxandi verkir frá neðrihluta kviðarhols

Sími slysadeildar er 463 0803

Sími vöknunar er 463 0118 kl. 8:00 – 16:00.

Gangi þér vel